

Minnisblað

Til: Fræðslunefndar
Frá: Margræti Halldórsdóttur sviðsstjóra og Guðrínu Birgisdóttur skóla- og sérkennsluráðgjafa
Dags. 11. júní 2019
Mnr. 2018080029



ÍSAFJARÐARBÆR

Kostnaðargreining á tillögum starfshóps um leikskólamáli

Á fundi fræðslunefndar 9. maí 2019 þar sem lagðar voru fram tillögur starfshóp um leikskólamáli var óskað eftir því að starfsmenn legðu fram kostnaðargreiningu á tillögunum og hvort þær hefðu áhrif á fjölda leikskólarýma.

Fjöldi barna á kennara

Tillaga: Lagt er til að breytingar verði gerðar gerðar á barngildisviðmiðum leikskólalíkansins þannig að 2 ára börn verð 2 barngildi.

Hér er verið að hækka barngildi 2 ára barna í leikskólalíkaninu þar sem reiknað er út það magn starfsmanna sem þarf á hvern leikskóla ár hvert. Ef miðað er við 40 barna árgang er hér um að ræða tvö stöðugildi. Hér skiptir stærð árganga og menntun þeirra starfsmanna sem bætast við mestu um það hver kostnaðurinn verður.

Hvati til menntunar

Tillaga: Lagt er til að bæjaryfirvöld og Vestfjarðastofa hefji viðræður við háskólana um að fjarnám verði í boði hér fyrir vestan til að auðvelda aðgengi fólks að leikskólakennaranámi og að námsstyrkur verði veittur til að fjármagna ferðir nema í námslotur.

Enginn kostnaður er í því að hefja viðræður við háskólana um fjarnám, en vonandi hópast fólk í leikskólakennaranám og þá gæti skapast kostnaður vegna námsstyrkjar verði það niðurstaðan. Í okkar björtustu hugmyndum gætu verið sex nemendur í námi hverju sinni og fái þeir kr. 200.000 á ári er þetta kr. 1,2 milljón á ári.

Leikrými nemenda

Tillaga: Lagt er til að einungis verði talið til leikrýmis það rými sem börnin hafa að jafnaði aðgang að til leiks allan daginn og miðað sé við 3,5m² leikrými á hvert barn, þó verði að taka tillit til yngri barna. Því er okkar tillaga er að horft sé til leikrýmis barna frekar en heildarrýmis leikskólans.

Miðað við nýlega samþykkt leikskólalíkan þá á ekki að verða breyting á leikskólalássum. Hér er áréttað að miðað sé við leikrými enn ekki heildarrými skólans eins og áður var gert. Önnur sveitarfélög eru að færa sig að þessu viðmiði.

Lokunardagar vegna skipulags og undirbúnings kennslu

Tillaga: Lagt er til að kennarafundir fari fram í byrjun dags, kl. 8-10 einu sinni í mánuði, alls 10 fundir á ári. Einnig komi til lokunar 1-2 klst. hluta úr degi þá daga sem leikskólinn lokar fyrir sumarfrí og opnunardag eftir sumarlokun, þar sem ekki er hægt að ganga frá húsgögnum og námsgögnum á meðan börnin dvelja í leikskólanum.

Aðrir lokunardagar verða 4 sem nýttir verða til skipulags á kennslu og námskeiða.

Tillagan kostar sveitarfélagið ekki neitt.

Stytting vinnuvikunnar

Tillaga: Lagt er til að leikskólum verði heimilt að fara í vinnustyttingu til reynslu næstkomandi haust sem samsvarar því að starfsmaður í 100% starfi fær 3 klukkustundir í styttingu á viku, þ.e. vinni í heild 37 klst. vinnuviku. Skoðað verður hvernig til tókst í lok skólaársins að vori 2020.

Þessi tillaga á ekki að kalla á kostnaðarauka heldur snýst um ákveðið skipulag innanhúss og er von að hún skili færri veikindadögum starfsmanna.

Undirbúningstímar

Tillaga: Lagt er til að sett sé 15 undirbúningstíma viðmið á hverja deild til skipuleggja starfið. Þannig skapast jafnræði milli deilda til undirbúnings á faglegu starfi.

Ólíklegt er að einhver kostnaður verði hér en það gæti þó gerst ef faglærðu fólki fækkar mikið og í staðin komi ófaglært fólk sem í dag á ekki rétt á undirbúningstíma samkvæmt kjarasamningum en Ísafjarðarbær hefur samt gert ráð fyrir lágmarks undirbúningstíma fyrir ófaglært fólk.

MH og GB